



# SUNCE

Bosna Sunce osiguranje

FILIJALA BANJA LUKA

Na osnovu člana 39. stav 4. i člana 86. Zakona o advokaturi Republike Srpske („Službeni glasnik Republike Srpske“, broj 80/15) ugovarači:

1. ADVOKATSKA KOMORA REPUBLIKE SRPSKE, koje je sjedište u Banjoj Luci u ulici F. G. Lorke broj 3., koju zastupa Jovan S. Čizmović, predsjednik. i
2. BOSNA SUNCE OSIGURANJE d. d. Sarajevo, kojeg je sjedište u Sarajevu, Trg međunarodnog prijateljstva broj 20, koje zastupa ŽELJKO PERVAN, Predsjednik uprave društva,

utvrđuju i zaključuju

## USLOVE OSIGURANJA I OKVIRNI UGOVOR

### O OSIGURANJU OD PROFESIONALNE ODGOVORNOSTI ADVOKATA, ADVOKATSKIH ORTAČKIH DRUŠTAVA I ADVOKATSKIH DRUŠTAVA

#### I. OSNOVNE ODREDBE

##### Član 1.

Bosna Sunce osiguranje d. d. će advokatima, advokatskim orthačkim društvima i advokatskim društvima, koji su upisani u odgovarajuće imenike Advokatske komore Republike Srpske, omogućiti zaključenje polise osiguranja od njihove profesionalne odgovornosti saglasno ovim Uslovima osiguranja od profesionalne odgovornosti advokata, advokatskih orthačkih društava i advokatskih društava (u daljnjem tekstu: Uslovi) i ovom Okvirnom ugovoru o osiguranju od profesionalne odgovornosti advokata, advokatskih orthačkih društava i advokatskih društava (u daljnjem tekstu: Ugovor), koji Uslovi i Ugovor će biti sastavni dio svake polise osiguranja.

##### Član 2.

Pojedini izrazi upotrijebljeni u ovim Uslovima i Ugovoru imaju sljedeće značenje:

- osiguravač je Bosna Sunce osiguranje d. d. Sarajevo, pravno lice koje je po Zakonu o



# SUNCE

Bosna Sunce osiguranje  
FILIJALA BANJA LUKA

- osiguranju registrovano za obavljanje djelatnosti osiguranja i u Republici Srpskoj,
- ugovarač osiguranja je Advokatska komora Republike Srpske koja s osiguravačem utvrđuje uslove i sklapa okvirni ugovor o osiguranju advokata, advokatskih ortačkih društava i advokatskih društava, a koji su upisani u odgovarajuće imenike Advokatske komore Republike Srpske,
- osiguranik je lice, fizičko ili pravno, advokat, advokatsko ortačko društvo i advokatsko društvo, koje se bavi advokaturom u Republici Srpskoj i koje je upisano u odgovarajuće imenike Advokatske komore Republike Srpske, kojem licu pripadaju prava iz sklopljenog ugovora o osiguranju,
- treća osoba je osoba koja nije subjekt ugovora o osiguranju, odnosno osoba čija odgovornost nije pokrivena osiguranjem,
- polisa je isprava o sklopljenom ugovoru o osiguranju,
- advokatski pripravnik i stručni saradnici su lica na obuci i u radnom odnosu s advokatom ili advokatskim ortačkim društvom ili advokatskim društvom, kao poslodavcem, koji postupaju po nalogima i upustvima u ime poslodavca a za račun lica koje je u poslovnom odnosu sa njihovim poslodavcem,
- premija osiguranja je iznos što ga osiguranik plaća po ugovoru o osiguranju.

### Član 3.

- (1) Predmet osiguranja u smislu ovih Uslova i Ugovora je zakonska odgovornost osiguranika za štetu koju prouzrokuje trećim licima bavljanjem advokaturom.
- (2) Osiguranjem je obuhvaćena odgovornost za štetu koja nastane na području Bosne i Hercegovine, ukoliko se drugačije ne ugovori.

### Član 4.

Bavljenje advokaturom, pružanjem pravne pomoći fizičkim i pravnim licima, posebno obuhvata:

- sastavljanje tužbi, prijedloga i drugih inicijalnih podnesaka, zahtjeva, molbi, pravnih lijekova, predstavki i drugih podnesaka,
- sastavljanje ugovora, zavještanja, poravnanja, izjava, opštih i pojedinačnih akata i drugih isprava,
- zastupanje i odbranu fizičkih i pravnih lica, i
- posredovanje radi zaključenja pravnog posla ili mirnog rješavanja spora i spornog odnosa.

### Član 5.

Osiguranim slučajem, u smislu ovih Uslova i Ugovora, smatra se svaki pojedinačno



# SUNCE

Bosna Sunce osiguranje  
FILIJALA BANJA LUKA

određeni propušten oblik pravne pomoći iz člana 4. ovih Uslova i ovog Okvirnog ugovora ili učinjena greška u bavljenju advokaturom kojim se trećim licima prouzrokuje šteta.

## II. UGOVOR O OSIGURANJU

### Član 6.

- (1) Ugovor o osiguranju se zaključuje na osnovu usmene ili pismene ponude, a zaključen je kad ugovarači potpišu polisu osiguranja ili potvrdu o pokriću, odnosno kada osiguranik podnese zahtjev za osiguranje od profesionalne odgovornosti.
- (2) Usmena ponuda data osiguravaču za sklapanje ugovora o osiguranju ne obavezuje ni ponuđača ni osiguravača.
- (3) Ako osiguravač povodom primljene ponude zatraži kakvu dopunu ili izmjenu, kao dan prijema ponude smatrat će se dan kad osiguravač primi traženu dopunu ili izmjenu, odnosno kad bude obaviješten o prihvatanju njegovih uslova.
- (4) Odredbe ovog člana primjenjuju se i kad se mijenja postojeći ugovor o osiguranju.

### Član 7.

Obaveza osiguravača počinje u smislu čl. 1. ovih Uslova i Ugovora i traje koliko i obaveza advokata na naknadu štete u skladu s propisima građanskog prava.

### Član 8.

Polisom osiguranja od profesionalne odgovornosti iz člana 6. stav 1. ovog ovih Uslova i Ugovora obuhvaćena je i odgovornost osiguranika, kao poslodavaca, za štetu koju u radu učine kod njih zaposleni stručni saradnik i advokatski pripravnik u izvršavanju poslova po nalogu i upustvima poslodavca saglasno članu 72. i članu 80. Zakona o advokaturi Republike Srpske.

### Član 9.

Najniža suma osiguranja, po osiguranom slučaju, bez ograničenja broja slučajeva, iznosi:

- 1) 250.000 KM za advokata, bez obzira na to da li se bavi advokaturom samostalno ili kao član u zajedničkoj advokatskoj kancelariji ili kao član advokatskog ortačkog društva, ili kao član advokatskog društva
- 2) 500.000 KM za advokatsko ortačko društvo i advokatsko društvo.

**SUNCE**

Bosna Sunce osiguranje

FILIJALA BANJA LUKA

Premija osiguranja iznosi 0.15 % od sume osiguranja.

Učešće osiguranika u šteti (franšiza) iznosi 5 % od visine štete a minimalno 500,00 KM.

#### Član 10.

- (1) Suma osiguranja je gornja granica obaveze osiguravača po jednom osiguranom slučaju.
- (2) Osiguravač i osiguranik mogu ugovoriti sumu osiguranja veću od sume koju je sa osiguravačem ugovorio ugovarač osiguranja.

#### Član 11.

- (1) Osiguranjem zaključeno na osnovu ovih Uslova i Ugovora nijesu obuhvaćene štete od odgovornosti za propuste ili greške u bavljenju advokaturom od strane osiguranika, koje su bile poznate, odnosno morale biti poznate, u vrijeme sklapanja ugovora o osiguranju.
- (2) Propust ili greška se smatraju poznatim kad ih osiguranik sam utvrdi ili za njih dozna, a da još nije postavljen ili najavljen odštetni zahtjev.
- (3) U slučaju sumnje, smatra se da je propust ili greška učinjeni onog dana kad se neki od oblika pravne pomoći trebao najkasnije preduzeti, odnosno greška ispraviti, da se spriječi nastajanje štete, osim u slučaju uskraćivanja pravne pomoći zbog razloga koje propisuju zakon i opšti akti ugovarača osiguranja.

#### Član 12.

- (1) Premija osiguranja plaća se odjednom unaprijed ili u ugovorenim rokovima. Ako premija nije plaćana do dospelosti ugovorenog roka, osiguravaču pripada pravo na zakonsku zateznu kamatu od dana dospjeća do dana plaćanja dospelje obaveze.
- (2) Ako osiguranik premiju plaća poštom, smatra se da je na dan uplate dužnog iznosa pošti podmirio svoju obavezu prema osiguravaču.
- (3) Ako osiguranik premiju plaća nalogom na određeni račun osiguravača, smatra se da je izvršio plaćanje premije onda kad uplati dužni iznos u korist označenog računa osiguravača.
- (4) Kada osiguranik ispuní svoju obavezu plaćanja premije, potpuno ili djelomično, ima pravo zahtijevati da mu osiguravač o tom dà priznanicu.



# SUNCE

Bosna Sunce osiguranje

FILIJALA BANJA LUKA

- (4) Kada osiguranik ispuni svoju obavezu plaćanja premije, potpuno ili djelomično, ima pravo zahtijevati da mu osiguravač o tom dâ priznanicu.

## Član 13.

Osiguranje se ne odnosi na odštetne zahtjeve:

1. zbog ugovorenog proširenja odgovornosti osiguranika i na slučajeve kad po zakonu ne odgovara,
2. prouzročene posredno ili neposredno ratnim i političkim rizicima bez obzira da li je rat objavljen ili nije,
3. zbog neodržavanja ugovorenih rokova, ukoliko je za to odgovorna stranka koju advokat zastupa,
4. zbog prekoračenja ovlaštenja po punomoći.
5. zbog uskraćivanja pravne pomoći iz razloga koje propisuje zakon i opšti akti Advokatske komore Republike Srpske,
6. zbog namjere i prevare osiguranika,
7. u svim slučajevima gdje se ne može utvrditi odgovornost osiguranika u smislu Zakona i ovih uslova, kao ni odlukom Komisije za utvrđivanje i procjenu štete, i
8. štete nastale po proteku 30 dana nakon otkaza punomoći, a ne radi se o slučajevima uskraćivanja pravne pomoći u smislu čl. 19. Zakona o advokaturi Republike Srpske („Službeni glasnik Republike Srpske“, broj 80/15).

## III. PRAVNA ZAŠTITA

### Član 14.

(1) Obaveza osiguravača na pružanje pravne zaštite obuhvata:

1. ispitivanje odgovornosti osiguranika za nastalu štetu;
  2. vođenje spora u ime osiguranika ako oštećeni ostvaruje pravo na naknadu štete u parničnom postupku;
  3. davanje u ime osiguranika svih izjava koje smatra korisnim za odbranu od neosnovanog ili pretjeranog zahtjeva za naknadu štete.
- (2) Uz suglasnost i uz uputstvo osiguravača, vođenje spora može se povjeriti osiguraniku koji je, u takvom slučaju, dužan da se pridržava upustava i naloga osiguravača u pogledu vođenja postupka u parnici.
- (3) Osiguravač može preuzeti vođenje parnice ili stupiti na mjesto osiguranika ili učestvovati u svojstvu umješaača.



# SUNCE

Bosna Sunce osiguranje

FILIJALA BANJA LUKA

- (4) Osiguravač je ovlašćen da zahtijeva da vodi spor ili da prepusti vođenje spora osiguraniku ako ocijeni da nema mjesta za pružanje pravne zaštite s obzirom na odnos visine zahtjeva za naknadu štete i visine sume osiguranja.
- (5) U slučaju da osiguravač na ime naknade štete isplati sumu osiguranja prije pokretanja spora, prestaje i njegova obaveza na pravnu zaštitu.

#### IV. ŠTETA I NAKNADA ŠTETE

##### Član 15.

- (1) Osiguranik je dužan prijaviti štetu u roku od 3 dana od dana nastanka osiguranog slučaja, odnosno od dana kad je za štetu doznao i mogao je prijaviti.
- (2) Osiguranik je dužan nezavisno od roka u kojem je podnio prijavu štete predstavniku osiguranja pružiti sve podatke i druge dokaze koji su potrebni za utvrđivanje uzroka, obima i visine štete, a predstavnik osiguranja može zahtijevati da osiguranik pribavi i druge dokaze, ako je to nužno i opravdano.
- (3) Osiguranik je dužan izvijestiti osiguravača i onda kada zahtjev za naknadu štete protiv njega bude istaknut preko suda, kada bude stavljen u pritvor, kao i onda kada bude pokrenut postupak za osiguranje dokaza.
- (4) Ako je proveden uvidaj, donesena naredba o pokretanju krivičnog postupka ili podignuta optužnica protiv osiguranika osiguranik je dužan o tome odmah obavijestiti osiguravača, pa i onda kada je već prijavio nastanak štetnog događaja, kao i dostaviti nalaz nadležnog organa u vezi s nastalim štetnim događajem, ukoliko takav nalaz posjeduje.
- (5) Osiguranik nije ovlašten da se bez prethodne suglasnosti osiguravača izjašnjava o zahtjevu za naknadu štete a posebno da ga prizna potpuno ili djelomično, da se o zahtjevu za naknadu štete nagodi, kao ni da izvrši isplatu, osim ako se prema činjeničnom stanju nije moglo odbiti priznanje, nagodba, odnosno isplata, te da se time ne učini očigledna nepravda, a ako je osiguranik u zabludi smatrao da postoji njegova odgovornost ili da su ispravno utvrđene činjenice, to ga neće opravdati.
- (6) Ako oštećeni podnese tužbu za naknadu štete protiv osiguranika, osiguranik je dužan dostaviti osiguravaču sudski poziv, odnosno tužbu i sve spise u vezi sa štetnim događajem i zahtjevom za naknadu štete kao i vođenje spora prepusti osiguravaču.
- (7) Ako se osiguranik protivi prijedlogu osiguravača da se zahtjev za naknadu štete riješi nagodbom, osiguravač nije dužan platiti veću naknadu, kamate i troškova koji su uslijed toga nastali.
- (8) U slučaju da se oštećeni sa zahtjevom za naknadu štete neposredno obrati osiguravaču, osiguranik je dužan osiguravaču pružiti sve dokaze i podatke s kojima



# SUNCE

Bosna Sunce osiguranje  
FILIJALA BANJA LUKA

raspolože, a koji su neophodni za utvrđivanje odgovornosti za pričinjenu štetu i za ocjenu osnovanosti zahtjeva, obima i visine štete.

- (9) Ukoliko se osiguranik ne pridržava obveze iz ovog člana, snosit će štetne posljedice koje uslijed toga nastanu, osim ako bi one nastale i da se je pridržavao obaveza.

## Član 16.

Ako se utvrdi da je advokat štetu počinio trećem licu namjerno, osiguravač, koji je štetu naknadio, ima pravo regresa od osiguranika.

## Član 17.

- (1) Smatra se da je advokat štetu počinio namjerno ako je u bavljenju advokaturom štetnu radnju učinio s voljom i znanjem.
- (2) Znanje i volja moraju se odnositi jednako na uzrok i posljedicu štetne radnje.

## Član 18.

U vezi s podnesenim zahtjevom za naknadu štete od strane oštećenog osiguravač je u obavezi:

1. zajedno s osiguranikom preduzeti odbranu od neosnovanih ili pretjeranih zahtjeva za naknadu štete;
2. udovoljiti osnovanim zahtjevima za naknadu štete;
3. nadoknaditi troškove sudskog postupka.

## Član 19.

Uzrok i visina štete se utvrđuje u skladu s odredbama Zakona o obligacionim odnosima, a isplaćuje u KM (konvertibilna marka) na dan likvidacije štete najviše do sume osiguranja navedene u ovim Uslovima i Ugovoru, odnosno do sume osiguranja ako je između osiguravača i osiguranika suma osiguranja ugovorena u većem iznosu.

## Član 20.

- (1) Štetu utvrđuju i procjenjuju zajedno osiguranik i osiguravač, odnosno njihovi ovlašteni predstavnici.



# SUNCE

Bosna Sunce osiguranje

FILIJALA BANJA LUKA

- (2) U slučaju da se osiguranik i osiguravač ne slože pri utvrđivanju i procjeni štete imenovaće komisiju za utvrđivanje i procjenu štete, koju čine predstavnici osiguravača, osiguranika i ugovarača osiguranja.
- (3) Predmet komisijskog ispitivanja mogu biti samo sporne činjenice, koje kao sporne, kao i postupak rada komisije, se navode u pismenom sporazumu o ustupanju predmeta komisiji.

## Član 21.

- (1) Osiguravač će isplatiti naknadu iz osiguranja u roku od 14 dana računajući od dana kada je utvrdio svoju obavezu i visinu te obaveze.
- (2) Osiguravač će isplatiti naknadu iz osiguranja na osnovu:
  - priznanja koje je dao ili odobrio;
  - nagodbe koju je zaključio ili odobrio;
  - sudske odluke.
- (3) Osiguravač je ovlašćen da na ime naknade štete na račun osiguraniku položi sumu osiguranja čime se oslobađa svih obveza i postupaka u vezi s osiguranim slučajem.
- (4) Osiguravač učestvuje u deponovanju radi osiguranja naknade štete koju bi osiguranik bio dužan deponovati na osnovi zakonskih propisa ili sudske odluke i to najviše do iznosa visine njegove obveze na naknadu štete.
- (5) Ako se osiguravač protivi prijedlogu osiguranika da se o zahtjevu za naknadu štete nagodi, dužan je platiti naknadu, kamate i troškove i onda kada prelaze sumu osiguranja.

## Član 22.

- (1) Osiguravač naknađuje sve troškove parničnog postupka ukoliko je sam inicirao spor ili je dao saglasnost osiguraniku na vođenje spora pa i onda kada zahtjev za naknadu štete nije bio osnovan.
- (2) Ako je parnica vođena bez znanja i saglasnosti osiguravača, osiguranjem su pokriveni troškovi spora ukoliko zajedno s naknadom štete ne prelaze sumu osiguranja.
- (3) Osiguravač snosi troškove branioca i odbrane u krivičnom postupku pokrenutom protiv osiguranika zbog događaja koji bi mogao imati za posljedicu postavljanje zahtjeva za naknadu štete na osnovu odgovornosti pokrivena osiguranjem s tim da je ovlašćen učestvovati u izboru branioca osiguranika.



# SUNCE

Bosna Sunce osiguranje

FILIJALA BANJA LUKA

## Član 23.

- (1) Ako oštećeni zahtjev ili tužbu za naknadu štete podnese samo protiv osiguravača, osiguravač će o tome obavijestiti osiguranika i pozvati ga da mu pruži sve potrebne podatke i da preduzme mjere radi zaštite svojih interesa i interesa osiguravača.
- (2) Ukoliko se u slučaju iz prethodnog stava osiguravač odluči isplatiti naknadu oštećenom, u potpunosti ili djelomično, dužan je o tome obavijestiti osiguranika.
- (3) Osiguravač ne može izvršiti isplatu štete bez saglasnosti osiguranika, a ukoliko se osiguranik neosnovano protivio isplati štete, dužan je snositi sve štetne posljedice, koje bi iz toga proizašle, kao što su plaćanje veće naknade, kamata, troškova i slično.

## Član 24.

Osiguravač će likvidirati iznos štete isplatiti u roku od 14 dana od dana kad je šteta likvidirana djelomično ili u cijelosti.

## V. IZMJENA USLOVA I RASKID UGOVORA

### Član 25.

- (1) Izmjene ovih Uslova i Ugovora, kao i premijskog dijela, osiguravač ne može izvršiti bez saglasnosti ugovarača osiguranja.
- (2) Izmjene ovih Uslova i Ugovora, kao i premijskog dijela, ne mogu se jednostrano zahtijevati u okviru roka od 5 (pet) godina od dana utvrđivanja ovih Uslova i zaključivanja Ugovora.
- (3) Po proteku roka iz stava (2.) ovog člana osiguravač i ugovarač osiguranja mogu jedna drugoj predložiti izmjene ovih Uslova i Ugovora, koji prijedlog se daje u pismenoj formi najkasnije šezdeset dana prije isteka tekuće godine osiguranja.
- (4) Osiguravač i osiguranik imaju pravo otkazati ugovor o osiguranju u okviru roka iz stava (3.) ovog člana ukoliko se ne postigne sporazum između osiguravača i ugovarača osiguranja o izmjeni Uslova i Ugovora i u tom slučaju ugovor o osiguranju prestaje istekom tekuće godine osiguranja.
- (5) Ako osiguranik ne otkáže ugovor o osiguranju u roku iz stava (4.) ovog člana, ugovor



# SUNCE

Bosna Sunce osiguranje

FILIJALA BANJA LUKA

o osiguranju se početkom slijedećeg razdoblja osiguranja mijenja u skladu s prijedlogom izmjena datih od strane osiguravača.

## Član 26.

- (1) Sva obavještenja i prijave koje je ugovarač osiguranja dužan dati u smislu odredaba ovih Uslova i Ugovora obvezno se imaju pismeno potvrditi ako su dati usmeno, telefonom, telegramom ili na koji drugi način.
- (2) Kao dan prijema obavještenja odnosno prijave smatra se dan kad je primljeno obavještenje odnosno prijava, a ako se obavještenje odnosno prijava šalje preporučeno, kao dan prijema smatra se dan predaje pošti.
- (3) Sporazumi koji se odnose na sadržaj ugovora o osiguranju vrijede samo ako su sklopljeni pismeno.

## Član 27.

- (1) Osiguranik je dužan o promjeni imena ili adrese, odnosno promjeni naziva pravnog lica i sjedišta (poslovnih prostorija) obavijestiti osiguravača u roku od 15 dana od dana nastale promjene.
- (2) Ako osiguranik ne obavijesti osiguravača o promjenama iz prethodnog stava, za uredno obavještenje dovoljno je da je osiguravač uputio osiguraniku preporučeno pismo prema posljednjim podacima o adresi stana, poslovnih prostorija, odnosno nazivu, firmi, kojima raspolaže, a obavještenje vrijedi od dana od kojega bi u normalnim okolnostima vrijedilo da nije bilo promjena iz prethodnog stava.

## Član 28.

Ukoliko ugovora o osiguranju prestane prije isteka vremena za koje je premija plaćena, plaćena premija pripada osiguravaču samo do završetka dana do kojega je on bio u obavezi a preostali iznos vraća osiguraniku u roku od 7 (sedam) dana od dana prestanka ugovora o osiguranju.

## Član 29.

Ako osiguranik raskine ugovor o osiguranju koji je zaključen na rok duži od 5 godina, dužan je platiti razliku premije u visini odobrenog popusta za vrijeme trajanja osiguranja.



# SUNCE

Bosna Sunce osiguranje  
FILIJALA BANJA LUKA

## VI. PRELAZNE I ZAVRŠNE ODREDBE

### Član 30.

Ugovarači su saglasni da će sve sporove u vezi ovih Uslova i Ugovora rješavati sporazumno, a ukoliko se spor ne riješi ugovaraju nadležnost suda u Banjoj Luci.

### Član 31.

Ovi Uslovi i Ugovor stupaju na snagu danom potpisivanja od strane oba ugovarča.

### Član 32.

Ovi Uslovi i Ugovor su pisani u 4 (četiri) primjerka od kojih svaki ugovarač zadržava po 2 (dva) primjerka.

Bosna Sunce osiguranje d.d.

Željko Pervan, Predsjednik Uprave

Broj: 15513294  
U Banjoj Luci, 21.12.2015. godine.

Advokatska komora RS, po

Jovan S. Čizmović, predsjednik

Broj: 01-102/2015  
U Banjoj Luci, 21.12.2015. godine

